

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (7) i 45. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 46. sjednici, održanoj dana 03.03.2020. godine, d o n o s i

ZAKLJUČAK

o usvajanju Programa utroška namjenskih sredstava iz oblasti šumarstva za 2020. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2020. godinu

I.

Usvaja se Program utroška namjenskih sredstava iz oblasti šumarstva za 2020. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19) u iznosu od 1.291.700,00 KM (slovima: miliondvijestotinedvedesetjednahiljadasedamstotina konvertibilnih maraka) predviđena za tekuće rashode čuvarske službe, nabavku opreme, rekonstrukciju i investiciona ulaganja tj. pošumljavanje i druga ulaganja za unapređenje šuma i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu – Kantonalna uprava za šumarstvo i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Broj: 02-_____/20
Datum, 03.03.2020. godine
Z e n i c a

Mirza Ganić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x Kantonalna uprava za šumarstvo (putem Ministarstva),
1x a/a.

PROGRAM

utroška namjenskih sredstava iz oblasti šumarstva za 2020.godinu

UVOD

Osnov za izradu Programa utroška namjenskih sredstava iz oblasti šumarstva za 2020.godinu čine Zakon o šumama („Službene novine Zeničko-dobojskog kantona“, broj: 8/13 i 1/15) i Budžet Zeničko-dobojskog kantona usvojen za 2020.godinu („Službene novine Zeničko-dobojskog kantona“, broj: 24/19).

SVRHA PROGRAMA

Svrha izrade Programa je da prikaže po osnovu kojih namjenskih sredstava su planirani prihodi u Budžetu Zeničko-dobojskog kantona za 2020.godinu, za koje namjene i u kojem iznosu isti mogu biti utrošeni.

VISINA SREDSTAVA I IZVORI FINANSIRANJA

Namjenski prihodi iz oblasti šumarstva, u Budžetu Zeničko-dobojskog kantona za 2020. godinu, planirani su u iznosu od **1.291.700,00 KM**, a čine ih sredstva planirana po osnovu sljedećih naknada :

1. Naknade za općekorisne funkcije šuma	833.700,00 KM
2. Naknade za obavljanje stručnih poslova u privatnim šumama	84.000,00 KM
3. Naknade u postupku promjene namjene šumskog zemljišta (krčenja šuma)	200.000,00 KM
4. Naknade za korištenje državnih šuma	70.000,00 KM
5. Naknade za štete pričinjene državnim šumama i šumskom zemljištu	54.000,00 KM
6. Sredstva za proširenu biološku reprodukciju šuma	50.000,00 KM
Ukupno	1.291.700,00 KM

KRITERIJI ZA UTROŠAK SREDSTAVA I NAČIN UTROŠKA

Namjenska sredstva planirana u visini od 1.291.700,00 KM, predviđena su za finansiranje izdataka prikazanih u tabelarnom pregledu :

R B	Izdaci	Naknade za općekorisne funkcije šuma	Naknade za obavljanje stručnih poslova u privatnim šumama	Naknade od promjene namjene šumskog zemljišta (krčenja šuma)	Naknade za korištenje državnih šuma	Naknade od šumskih šteta u državnim šumama	Naknade od proširene biološke reprodukcije šuma	Ukupno planirana namjenska sredstva kol. (3 do 8)
1	2	3	4	5	6	7	8	9
1.	Izdaci za bruto plaće	322.000,00	-	-	-	-	-	322.000,00
2.	Naknade troškova zaposlenih	103.100,00	-	-	-	-	-	103.100,00
3.	Doprinosi poslodavca	33.900,00	-	-	-	-	-	33.900,00
4.	Izdaci za materijal i usluge	109.700,00	54.000,00	-	-	4.000,00	-	167.700,00
	4.1. Putni troškovi	2.000,00	-	-	-	-	-	2.000,00
	4.2. Energenti	12.000,00	-	-	-	-	-	12.000,00
	4.3. Komunalne usluge	31.000,00	-	-	-	-	-	31.000,00
	4.4. Nabavka materijala	15.000,00	30.000,00	-	-	-	-	45.000,00
	4.5. Izdaci za gorivo	20.000,00	20.000,00	-	-	-	-	40.000,00
	4.6. Izdaci za zakup prostora	11.000,00	-	-	-	-	-	11.000,00
	4.7. Tekuće održavanje	7.000,00	-	-	-	-	-	7.000,00
	4.8. Izdaci za osiguranje	1.000,00	-	-	-	-	-	1.000,00
	4.9. Ugovorene usluge	10.700,00	4.000,00	-	-	4.000,00	-	18.700,00
5.	Nabavka opreme	15.000,00	-	-	-	-	-	15.000,00
6.	Rekonstrukcija i invest. održavanje	250.000,00	30.000,00	200.000,00	70.000,00	50.000,00	50.000,00	650.000,00
	6.1. Izrada kantonalnog šumsko-razvojnog plana	250.000,00						250.000,00
	6.2. Nabavka sadnica		30.000,00					30.000,00
	6.3. Projekti iz oblasti šumarstva		-	200.000,00	70.000,00	50.000,00	50.000,00	370.000,00
	UKUPNO (od 1 do 6)	833.700,00	84.000,00	200.000,00	70.000,00	54.000,00	50.000,00	1.291.700,00

Izvori za finansiranje izdataka iskazanih u tabelarnom pregledu su niže navedene naknade propisane Zakonom o šumama («Službene novine Zeničko-dobojskog kantona» broj:8/13 i 1/15):

1. Naknade za općekorisne funkcije šuma

Na osnovu člana 50. Zakona o šumama („Službene novine Zeničko-dobojskog kantona“, broj: 8/13), naknade za općekorisne funkcije šuma uplaćuju se na kantonalni račun u visini od 0,07% ukupno ostvarene godišnje dobiti, a na osnovu člana 52. istog Zakona, plaćaju ih sva pravna lica koja su registrovana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona, izuzev institucija i organizacija navedenih u stavu 3. istog člana.

U Budžetu Zeničko-dobojskog kantona za 2020. godinu, po osnovu naknada za općekorisne funkcije šuma, planirani su prihodi u ukupnom iznosu od **833.700,00 KM**, namijenjeni za sljedeće:

1.1 Sufinansiranje rada čuvarske službe-tekući izdaci 568.700,00 KM

1.2. Nabavka opreme za potrebe Uprave.....	15.000,00 KM
1.3. Rekonstrukcija i investiciono održavanje	<u>250.000,00 KM</u>
	Σ 833.700,00 KM

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 568.700,00 KM, namijenjena su za sljedeće izdatke:

Rb	Izdaci	KM	%
1.	Bruto plaće zaposlenih	322.000,00	56,6
2.	Naknade troškova zaposlenih	103.100,00	18,1
3.	Doprinos poslodavca	33.900,00	6,0
4.	Izdaci za materijal i usluge	109.700,00	19,3
	Ukupno	568.700,00	100,0

Ukupna sredstva iz naknada za općekorisne funkcije šuma za sufinansiranje rada čuvarske službe, odnose se na sredstva planirana za sufinansiranje plaća i naknada zaposlenih u iznosu od 459.000,00 KM i u ukupnim sredstvima planiranim pod tačkom 1.1. Programa učestvuju sa 80,7% i na sredstva planirana za izdatke za materijal i usluge, u iznosu od 109.700,00 KM.

Sredstva planirana za plaće i naknade zaposlenih, u navedenom iznosu, predviđena su za 10 čuvara šuma primljenih u radni odnos na period od godinu dana, počev od aprila 2019.godine i za 10 čuvara šuma za kojima postoji potreba, a čiji prijem je, u skladu sa postojećom sistematizacijom radnih mjesta, planiran u 2020.godini.

Sredstva za izdatke za materijal i usluge, planirana u visini od 109.700,00 KM, predviđena su za sufinansiranje sljedećih izdataka: izdaci za putne troškove, troškove električne energije i grijanja odjeljenja Uprave, poštanske, telefonske i druge komunalne usluge odjeljenja, nabavku administrativnog materijala, kao i potrošnog materijala potrebnog za gospodarenje u privatnim šumama, tj. nabavku pločica za obilježavanje drvnih sortimenata, nabavku otpremnih iskaza, knjiga panjeva, knjiga doznake i slično, izdataka za gorivo i registraciju terenskih motornih vozila i motora kojima raspolaže Uprava, izdataka za zakup prostora za odjeljenja Uprave, izdataka za tekuće održavanje namijenjenih, prije svega, za troškove održavanja terenskih motornih vozila, izdataka za ugovorene usluge tj. zdravstvene usluge-povrede na radu, specijalističke kurseve iz oblasti šumarstva, informisanje, izdataka za posebne naknade na dohodak za zaštitu od prirodnih i drugih nesreća i sl.

Realizacija Programa pod tačkom 1.1. u dijelu koji se odnosi na finansiranje plaća i naknada, vršit će se kontinuirano, prema važećim propisima koji regulišu plaće i naknade, a u dijelu planiranih nabavki i izdataka za izvršene usluge, na osnovu procedura propisanih u Zakonu o javnim nabavkama i računa ispostavljenih za izvršene usluge.

1.2. Nabavka opreme za čuvarsku službu

Sredstva planirana pod tačkom 1.2. u visini od 15.000,00 KM, namijenjena su za nabavku kancelarijske i računarske opreme za odjeljenja i Upravu.

Realizacija Programa pod tačkom 1.2. vršit će se u skladu sa procedurama propisanim u Zakonu o javnim nabavkama.

1.3. Rekonstrukcija i investiciono održavanje

Sredstva pod tačkom 1.3., planirana iz naknada za općekorisne funkcije šuma, u iznosu od 250.000,00 KM, namijenjena su za finansiranje izrade kantonalnog šumsko-razvojnog plana 2020. godini.

Na osnovu člana 4. Zakona o šumama ("Službene novine Zeničko-dobojskog kantona", broj 8/13 i 1/15), kantonalni šumsko-razvojni plan izrađuje se svakih deset godina za sve šume i šumsko zemljište, bez obzira na vlasništvo, s ciljem da se obezbijedi trajnost gospodarenja šumama i šumskim zemljištem na području kantona. Na osnovu istog člana Zakona, kantonalni šumsko-razvojni plan donosi Vlada Zeničko-dobojskog kantona, a Ministarstvo za poljoprivredu, šumarstvo i vodoprivredu je odgovorno za njegovu pripremu, izradu i realizaciju. Na osnovu člana 66. Zakona, kantonalni šumsko-razvojni plan se donosi u roku od godinu dana od donošenja federalnog šumsko-razvojnog plana.

Realizacija Programa pod tačkom 1.3. izvršit će se u skladu sa procedurama propisanim u Zakonu o javnim nabavkama.

Kriterij za utrošak sredstava ostvarenih po osnovu naknada za općekorisne funkcije šuma, za namjene navedene pod tačkama od 1.1. do 1.3. utemeljen je u članu 53. Zakona o šumama.

2. Naknade za obavljanje stručnih poslova u privatnim šumama

Na osnovu člana 35. Zakona o šumama, naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji, na osnovu potpisanog ugovora, obavljanje stručnih poslova prenesu u nadležnost Kantonalne uprave za šumarstvo.

Prihodi po osnovu naknada za obavljanje stručnih poslova u privatnim šumama za 2020. godinu planirani su u iznosu od 84.000,00 KM, a namijenjeni su za tekuće izdatke tj. izdatke za materijal i usluge za potrebe odjeljenja i za rekonstrukciju i investiciono održavanje, u niže navedenim iznosima :

2.1. Sufinansiranje izdataka za materijal i usluge.....	54.000,00 KM
2.2. Rekonstrukcija i investiciono održavanje	<u>30.000,00 KM</u>
	Σ 84.000,00 KM

2.1.Sufinansiranje izdataka za materijal i usluge

Za sufinansiranje izdataka za materijal i usluge, iz naknada za obavljanje stručnih poslova u privatnim šumama, planirana su sredstva u iznosu od 54.000,00 KM, a namijenjena su za:

- nabavku uniformi za zaposlenike čuvarske službe, u iznosu od 30.000,00 KM
- izdatke za gorivo, u iznosu od 20.000,00 KM
- ugovorene usluge, u iznosu od 4.000,00 KM

Shodno odredbama Pravilnika o čuvanju šuma („Službene novine Zeničko-dobojskog kantona“, broj: 13/13), prilikom obavljanja poslova čuvanja šuma, čuvari šuma kao službena lica, obavezni su nositi uniformu. Uniformu čine: zimski komplet i ljetni komplet. Zimski komplet se sastoji od: zimsko odijelo sa dvoje pantalone, dvije košulje dugih rukava , kapa, dolama, zimske cipele (terenska-poluduboka cipela) i gumene čizme. Ljetni komplet čini: ljetno odijelo sa dvoje ,pantalone, dvije košulje kratkih rukava, kapa i ljetne cipele (terenska-poluduboka cipela). Istim Pravilnikom propisan je rok trajanja uniformi od 24 mjeseca.

Obzirom da je od posljednje nabavke uniformi istekao rok od 24 mjeseca, planirano je da se u 2020.godini izvrši nabavka novih uniformi za kompletnu čuvarsku službu i za isto su planirana sredstva u visini od 30.000,00 KM.

Izdaci za gorivo planirani su za nabavku goriva i registracije terenskih motornih vozila kojima raspolaže Kantonalna uprava za šumarstvo, a sredstva za ugovorene usluge, planirana u iznosu od 4.000,00 KM, predviđena su za nabavku - štampanje šumarskih knjiga za potrebe odjeljenja, a u cilju nesmetanog obavljanja poslova.

Realizacija Programa pod tačkom 2.1. izvršit će se na osnovu procedura propisanih u Zakonu o javnim nabavkama i računa ispostavljenih za izvršene usluge.

2.2. Rekonstrukcija i investiciono održavanje

Iz naknada za obavljanje stručnih poslova u privatnim šumama, u 2020. godini, za rekonstrukciju i investiciono održavanje planirana su sredstva u visini od 30.000,00 KM, namijenjena, shodno članu 53. Zakona o šumama, za biološku obnovu i unapređenje šuma, tj. za učešće u finansiranju pošumljavanja šumskog zemljišta u privatnom vlasništvu (nabavka sadnica na osnovu dostavljenih zahtjeva vlasnika privatnih šuma), za obnovu šuma od posljedica prirodnih nepogoda, požara i slično.

Realizacija Programa pod tačkom 2.2. izvršit će se na osnovu procedura propisanih u Zakonu o javnim nabavkama.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama utemeljen je u članu 53. Zakona o šumama.

3. Naknade u postupku promjene namjene šumskog zemljišta (krčenje šuma)

Na osnovu člana 43. Zakona o šumama i tačke IV Odluke o načinu pretvaranja šumskog zemljišta u građevinsko („Službene novine Federacije BiH“, broj 108/12), promjena namjene šumskog zemljišta u građevinsko može se dozvoliti samo ako je to predviđeno važećim planom prostornog uređenja.

Vlasnik zemljišta kojem se odobri zahtjev za promjenu namjene zemljišta ima obavezu da, prije početka radova, uplati naknadu čiju visinu utvrđuje stručna komisija formirana ispred kantonalnog ministarstva. Naplaćena sredstva su namjenski prihod Budžeta Federacije BiH u visini od 40%, odnosno namjenski prihod budžeta kantona u visini od 60% i ista se, na osnovu tačke IV Odluke mogu koristiti samo u svrhu podizanja novih šuma.

U Budžetu za 2020.godinu, po osnovu naknada za promjenu namjene šumskog zemljišta (krčenja šuma), shodno gore navedenim propisima, planirana su sredstva u visini od 200.000,00 KM, namijenjena za:

- 3.1. Rekonstrukcija i investiciono održavanje - podizanje
novih šuma 200.000,00 KM

Realizacija Programa pod tačkom 3. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) utvrđen je na osnovu člana 43. stav 2. Zakona o šumama.

4. Naknada za korištenje državnih šuma

Na osnovu člana 38. i člana 51. Zakona o šumama, naknade za korištenje državnih šuma na kantonalni račun uplaćuju korisnici državnih šuma, tj. šumsko-privredna društva. Uplate naknada vrše se tromjesečno i po završnom godišnjem računovodstvenom izvještaju, u visini od 2 % prihoda ostvarenog od drveta i prihoda ostvarenog od nedravnih šumskih proizvoda.

U Budžetu za 2020. godinu, po osnovu naknada za korištenje državnih šuma planirani su prihodi u visini od 70.000,00 KM, namijenjeni za :

4.1. Rekonstrukcija i investiciono održavanje 70.000,00 KM

Pod rekonstrukcijom i investicionim održavanjem podrazumijeva se, prije svega, podizanje, održavanje i zaštita šuma, ali i druge aktivnosti u cilju unapređenja šuma.

Realizacija Programa pod tačkom 4. izvršit će se putem kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za korištenje državnih šuma utvrđen je u članu 53. Zakona o šumama.

5. Naknade za štete pričinjene državnim šumama i šumskom zemljištu

Na osnovu člana 10. stav 6 Zakona o šumama, pravna i fizička lica koja nanesu štetu u državnim šumama i šumskom zemljištu, po bilo kom osnovu, dužna su, nosiocu prava upravljanja državnim šumama i šumskim zemljištem, nadoknaditi štetu. Naknada za pričinjenu štetu utvrđuje se prema važećem odštetnom cjenovniku, a uplaćuje se na depozitni račun kantonalnog budžeta.

Po osnovu naknada za štete pričinjene u državnim šumama i šumskom zemljištu, u Budžetu za 2020.godinu planirana su sredstva u visini od 54.000,00 KM, a predviđena su za slijedeće:

5.1. Izdaci za materijal i usluge 4.000,00 KM

5.2. Rekonstrukcija i investiciono održavanje 50.000,00 KM

Sredstva planirana pod tačkom 5.1 namijenjena su za izdatke za sudske takse tj. troškove sudskih izvršenja vezanih za prinudnu naplatu pričinjenih šteta po pravosnažnim sudskim odlukama, kao i druge izdatke planirane u okviru ugovorenih usluga.

Sredstva planirana pod tačkom 5.2. namijenjena su za rekonstrukciju šuma i šumskog zemljišta, a realizovat će se na osnovu kandidovanih i komisijski odobrenih projekata.

Kriterij za utrošak sredstava ostvarenih po osnovu naknada za štete pričinjene državnim šumama i šumskom zemljištu, utvrđen je u članu 53. Zakona o šumama.

6. Sredstva za proširenu biološku reprodukciju šuma

U Budžetu Zeničko-dobojskog kantona za 2020.godinu, osim prihoda planiranih na osnovu kantonalnog Zakona o šumama („Službene novine Zeničko-dobojskog kantona“ broj: 8/13 i 1/15)

planirani su i prihodi po osnovu naknada za proširenu biološku reprodukciju šuma, propisani Zakonom o šumama Federacije BiH („Službene novine Federacije BiH“ broj: 20/02) čija primjena je prestala krajem 2009.godine. Radi se o prihodima po osnovu naknada za proširenu biološku reprodukciju šuma, ostvarenim u periodu: decembar 2014. godina-novembar 2017. godina tj. u vrijeme trajanja Vansudske nagodbe o načinu izmirenja obaveza po osnovu Zakona o šumama Federacije BiH zaključene između Zeničko-dobojskog kantona, kao tužitelja, kojeg je zastupalo Kantonalno pravobranilaštvo Zenica i JP „Šumsko privredno društvo Zeničko-dobojskog kantona“ d.o.o. Zavidovići.

Na osnovu Zakona o šumama Federacije BiH kantonalna šumsko privredna društva su imala obavezu da sredstva za proširenu biološku reprodukciju šuma uplaćuju na kantonalni račun, a Kanton je imao obavezu da nakon izvršene uplate, shodno odredbama navedenog Zakona, dio uplaćenih sredstava transferira na račune općina za razvoj nerazvijenih dijelova općine, a preostali dio sredstava da zadrži na kantonalnom računu i usmjeri za poslove obuhvaćene proširenom reprodukcijom šuma.

U Budžetu za 2020. godinu, dio neutrošenih sredstava od naknada za proširenu biološku reprodukciju šuma, ostvarenih u periodu 2014-2017. godina po osnovu vansudske nagodbe, planiran je za:

6.1. Rekonstrukcija i investiciono održavanje 50.000,00 KM

Sredstva za rekonstrukciju i investiciono održavanje, planirana iz naknada za proširenu biološku reprodukciju šuma, predviđena su za finansiranje poslova koji se odnose na unapređenje šuma, a koji će biti realizovani na osnovu kandidovanih i komisijski odobrenih projekata.

Kriterij za utrošak sredstava pod tačkom 6. sadržan je u članu 53. kantonalnog Zakona o šumama.

Utrošak namjenskih sredstava iskazanih u Programu za 2020.godinu, odobrvat će se posebnim zaključcima Vlade Zeničko-dobojskog kantona koje će predložiti Ministarstvo za poljoprivredu, šumarstvo i vodoprivredu - Kantonalna uprava za šumarstvo.

Ukoliko se, iz određenih razloga, namjenska sredstva, predviđena Programom za 2020.godinu, ne utroše u cjelosti, preostala sredstva će biti prenesena u narednu godinu.

PREMIJER

Mirza Ganić

Broj: 02-_____ /20

Datum, 03.03.2020. godine

Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Kantonalna uprava za šumarstvo (putem Ministarstva),

1x a/a.